

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0058643 24
Zenica, 04.10.2024. godine

OPĆINSKOM SUDU U ZAVIDOVIĆIMA
- Sudiji za prethodno saslušanje –
ZAVIDOVIĆI

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

Protiv:

1. Č. Dž., osuđivan više puta,
2. H. A., osuđivan,

Što su:

Dana 23.05.2024. godine, oko 16,30 sati, u mjestu V., grad Z., dok je na terasi UO „...“ za stolom sjedio H.A. istom je prišao Č.Dž. svjestan da nasiljem prema drugom ugrožava građanski mir, a što je i htio, noseći tom prilikom u ruci metalnu palicu za golf, sa kojom je zamahnuo da udari A., koji je blokirao ovaj udarac, te uzeo drvenu barsku stolicu kojom je gurao Dž., nakon čega su obojica pali pored ovog ugostiteljskog objekta kojom prilikom je H.A. zadobio lake tjelesne povrede u vidu nagnječenja glave u predjelu oko očiju, sa prednje strane grudnog koša i lijeve podlaktice, da bi potom Č.Dž. ponovo sa terase uzeo jednu barsku stolicu a H.A. iz svog vozila uzeo drvenu palicu, kojom je udario Dž. u momentu kada je ovaj pokušao da njega udari barskom stolicom, nakon čega Č.Dž. hvata objema rukama za vrat H.A. i počinje da ga davi, na što H.A. drvenom palicom udara Č.Dž. i obara ga na pod, pa dok je Dž. ležao nepomičan na podu, A. ga je ovom drvenom palicom udario u potiljak, a zatim i nogom u leđa pa ga je ponovo drvenom palicom nastavio udarati u predjelu ramena, leđa i glave nanijevši mu na taj način teške tjelesne ozljede u vidu preloma nosnih kostiju i pregrade u nosu sa pomakom ulomaka i prelom kostiju sinusa čeone kosti, a što je i htio,

čime su počinili:

Č. Dž., krivično djelo nasilničko ponašanje iz člana 362. stav 2. u vezi sa stavom 1. KZ F BiH,
H. A., krivično djelo teška tjelesna ozljeda iz člana 172. stav 7. u vezi sa stavom 1. KZ F BiH.